

KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 16/26 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 5. sjednici održanoj 02.09.2026. godine, donijela je

Autentično tumačenje člana 65. stav (5) i stav (7) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 16/26)

„Član 65.

(5) Ukoliko radnik radi u više ustanova, pravo na poseban dodatak na platu iz stava (1) tačka a) i tačka b) Kolektivnog ugovora ostvaruje u onoj ustanovi u kojoj je procentualno više angažovan.

(7) Ukoliko radnik radi u dvije ili više ustanova, pravo na posebne dodatke iz stava (1) ovog člana se utvrđuju sporazumom između ustanova, a isplaćuju se u onoj ustanovi u kojoj je radnik prije zaključio ugovor o radu. Ukoliko je radnik istovremeno zaključio ugovor o radu, onda se isplaćuje u ustanovi koja je bliža mjestu stanovanja.“

U slučaju kada radnik radi u više ustanova, a u jednoj od tih ustanova radnik već ostvaruje pravo na posebne dodatke koji iznose 25%, citirane odredbe Kolektivnog ugovora se primjenjuju poštujući odredbu člana 65. stav (8) Kolektivnog ugovora.

Odluka o autentičnom tumačenju člana 65. stav (5) i stav (7) Kolektivnog ugovora je donesena na 5. sjednici Komisije održanoj 02.09.2026. godine jednoglasno konsenzusom.

ČLANOVI KOMISIJE

Enida Vehabović, predstavnik Poslodavca

Saudin Sivro, predstavnik Sindikata

Senad Sladić, predstavnik Poslodavca

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO

n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -
KANTONALNI ODBOR KANTONA SARAJEVO**

n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 16/26 – u daljem tekstu: Kolektivni ugovor) obratio se Sindikat, kao jedna od ugovornih strana, vezano za zahtjev JU OŠ „Zaim Kolar“ Dejčići, broj: 04-909/26 od 09.07.2026. godine (zahtjev zaprimljen u pisarnici Kantona Sarajevo pod brojem: 11-02-33882 od 10.07.2026. godine), koji se odnosi na tumačenje člana 65. stav (5) i stav (7) Kolektivnog ugovora u dijelu ostvarivanja prava radnika koji rade u dvije ili više ustanova na posebne dodatke na plaću iz člana 65. stav (1) tačka b), tačka j), tačka k) i tačka o).

U vezi s navedenim, obavještavamo Vas da je Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na svojoj 5. sjednici održanoj 02.09.2026. godine, donijela autentično tumačenje člana 65. stav (5) i stav (7) Kolektivnog ugovora, koje Vam dostavljamo u prilogu ovog akta, radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**